



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Constans Defensio, Ex S. Scriptvra, Et Vera Catholica  
Doctrina, Atqve Observatione Vniuersalis Christianæ  
Ecclesiæ Deliberationis de Christiana Reformatione**

**Bucer, Martin**

**Genevae, 1613**

Notabilis Confessio veritatis, quam Aduersarij in hac causa faciunt, verum  
reipsa & opere oppugnant 96

**urn:nbn:de:hbz:466:1-34315**



trauit, prædicent, & annuncient, sacrosancta sacramenta conficiant, consecrent, & distribuunt: Patri per Dominum nostrum Iesum Christum pro omnibus beneficiis in nos collatis ac promissis gratias agant, vnà cum oratione pro augmento fidei & salute omnium hominum: in qua vera commemoratio Domini, & oblationis eius factæ in cruce rectè celebratur.

*Notabiles confessiones veritatis in hoc negotio, quas Aduersarij in hoc articulo faciunt, iis autem reipsa & opere penitus contrarium agunt.*

## CAP. XCVI.



OR A hoc loco, Christianè Lector, duas insignes confessiones Euangelicæ veritatis, quas Aduersarij in hoc articulo faciunt, easque postea cum celebratione missarum confer, & videbis eam propriæ ipsorum confessioni penitus & ex diametro repugnare.

Primum fatentur totum hoc sacrificium in S. Cœna esse opus ac ministerium totius Ecclesiæ Christi: & sacerdotem debere ibi omnia nomine totius Ecclesiæ loqui & agere.

Quod verissimum est. At in Missis faciendis omnia apud eos hoc modo dicuntur & aguntur, vt Ecclesia Christi nihil eorum percipiat, aut commune habeat non solum contra ordinationem & obseruationem veteris Christianæ Ecclesiæ, sed etiam apertum verbum Dei.

Secundò fatentur longè ab omnibus Christianis id esse debere, quod Christus Dominus & sacrosancta eius victima oblata in cruce, cum sacrificio Missæ Patri proponatur, vel ei acceptum reddatur: aut quod huic sacrificio meritum, remissio peccatorum debeat ascribi. Christum Dominum enim esse perpetuò ad dexteram Patris, & hostiam suam ipsi Patri proponere, quæ etiam Patri per se accepta, & sola beneplacita sit, remissionemque peccatorum omnibus electis Dei abundanter promerit & impetrauerit: quod meritum quilibet sibi ipsi per propriam fidem in Christum Dominum nostrum applicare debeat, iuxta id quod scriptum est Act. 10. *quod remissionem peccatorum accipiant, qui in eum credunt.*

Hæc omnia fatentur Aduersarij admodum piè ac Christianè, quantum quidem ad verba attinet: cæterum res ipsa in faciendis prædicandis & extollendis eorum Missis omnino huic confessioni repugnat. Homines enim ad talem fidem propriamque Missæ applicationem, ne verbo quidem excitantur aut edocentur: in eo verò quod extra dictam confessionem publicè ab illis dicitur & prædicatur, nempe quod

Sacerdos.



Sacerdos in Sacra Cœna Deo Patri dilectum Filium suum Christum Dominum nostrum offerat pro peccatis, & ad salutem cum mortuorum tum viventium homines persuadentur, vel saltem in ea persuasione relinquuntur, quod sacrificium istud ad remissionem peccatorum, omnimodamque corporis & anime salutem illis sit profuturum, si seipos pecunia, & corporali assistentia apud missam participes eius faciant, quomocumque tandem fides eorum & pœnitentia de peccatis sit comparata. Longè enim maxima pars eorum qui missas audiunt, de vera pœnitentia & fide nihil omnino curant, id quod tota eorum vita declarat, ad missas verò non mediocri studio & contentione accurrunt.

Haëtenus de tertio sacrificio, videlicet de preceationibus, quas in missis super sacrificium recitant: quæ quàm benè aut malè quadrent in sequentibus dicitur.

*De quarto Missæ sacrificio.*

CAP. XCVII.

**Q**UOD Ecclesia Christi seipsam Domino offerre debeat, hostiam viventem ut monemur, Rom. 12. id piè & Christianè ab Aduersariis in hoc articulo & D. Augustino proponitur, verum res ipsa in faciendis missis penitus reclamatur. Populus enim hac de re nihil quicquam docetur, nemòque ad id faciendum, quemadmodum conueniebat promouetur.

Sacerdotis officium erat populum sacræ Cœnæ præsentem doctrinâ, adhortatione, gratiarum actione, oratione, & distributione sacramentorum in acceptum gratumque Deo sacrificium sanctificare & instruere, sicut beatus apostolus in Domino gloriatur, *quod per Euangelium gentes preparauerit acceptam & sanctam hostiam per Spiritum sanctum.*

Roman. 16. quò postea quilibet seipsum, & totam præsentem congregationem simul cum Domino per sacerdotem Deo offerret, *uidentem sanctam & acceptabilem hostiam.*

Rom. 12. At quid eiusmodi in omnibus eorum missis vel dicitur, vel exercetur, quod ad istud sacrificium conferat, imò quod non potius huic vero sacrificio repugnet?